

Passiuns rumantschas: gieus biblics scruts en lingua rumantscha che preschentan la passiun da Jesus

■ Il «Lexicon da teater svizzer», cumpari il 2005 en traiss toms, furma l'ovra da referencia da la scena da teater svizra (cf. LQ dals 2-12-2016). Ils 68 artitgels rumantschs sa cumporans da 58 artitgels d'autur(a)s e da 10 artitgels tematicos. Dus da questi ultims, scruts da Gion Deplazes, èn deditgads a las Passiuns rumantschas. L'invista profunda en quest chapitel fascinant da l'istoria da la literatura rumantscha concluda la preschentaziun dal «Lexicon da teater svizzer».

Passiuns rumantschas

En l'iconografia cristiana è la passiun da Cristus in motiv che sa repeta savens. Picturas muralas correspondentes existen en il territori linguistic rumantsch en bleiras baselgias dal temp medieval, per exemplu a Vuorz, Breil, Razén, Puntraschigna e Ziràn. Represchentaziuns da Passiuns sco era da gieus biblics èn documentadas per il territori rumantsch, en spezial per l'Engiadina, dapi il 16avel tschientaner. Il pli vegl rapport tradi da la preschentaziun d'ina Passiun deriva dal refurmatur ed istoriographe Durich Chiampel. A l'entschatta èn las Passiuns derasadas en l'entir territori rumantsch, suenter la refurmazion be pli en regiuns catolicas.



La tradiziun da preschentaziun

Per regla vegn ina tscherta passiun preschentada en intervals da diesch fin vento onns. Las preschentaziuns han lieu su tschiel avert durant il temp da curaismava avant Pasca. L'entira cuminanza dal vitg sa participescha activamain, entant ch'il spiritual surpiglia la direcziun dal gieu. Las preschentaziuns cumenzan la damau e van plirras uras. Il public vegn dals vitgs vischins u da las vals vischinas; ils aspectaturs ston savens far viadis lungs e partit schizunt il di avant per vesair ina Passiun. Assister ad ina preschentaziun survegn uschia il caracter d'in pelegrinadi. Il punct culminant da la Passiun è la processiun che preschenta la via da la crucifix da Cristus e maina sin in crest sur il vitg. Là va il gieu a fin cun la scena da la crucifixaziun. Ils pli vegls manuscruts che tradeschan Passiuns, derivan dal 16avel tschientaner. Mo da traiss Passiuns dal temp baroc existan texts u parts da texts: in fragment da la Passiun da Savognin e versius cumpletas da las Passiuns da Lumbrein e da Sumvitg.

La Passiun da Savognin

Ella è transmessa a moda fragmentara en in manuscrut da quatter paginas. Sin la davosa pagina sa chatta la menzien «Anno 1741». Tenor quella vala quest manuscrut sco il pli vegl text original trantre las Passiuns transmessas. Quel è vegn scuvert pir vers la fin dal 20avel tschientaner ed edì da Felix Giger il 1983. Il fragment è scrit en surmiran e para dad esser creà independentament da las Passiuns da Sumvitg e Lumbrein. Davart l'autur na datti nagina indicaziun evidenta. Sper la menzien «Anno 1741» sa chatta sin la quarta pagina dal manuscrut la notizia «Do 1756»; las emprimas duas cifras n'èn però betg identifigables cun tutta segretad. Il 1741 ed il 1756 è in chaputschin plevon a Savognin. I n'è dentant betg fit probabel ch'in da quels dus saja l'autur.

Il fragment descriva parts da duas scena: l'interrogaziun da Jesus tras l'autsacerdot Caifas e la preschentaziun da Jesus al pievel che pretenda da Pilatus sia sentenzia. Sch'ins suonda l'istoria biblica, mancan tranteren insaquantas scena, uschia ch'ins po concluder ch'i sa tracta d'ina copia da rolla, probablamain per l'interpret dal Caifas, ma forsa era per

l'interpret da Jesus. Malgrà ch'il manuscrut è probablamain in agid per exercitar il gieu, n'existan per l'entir Surmeir na gins mussaments d'ina represchentaziun.

La Passiun da Lumbrein

Caspar Decurtins publitgescha questi gieu en sia collezioni da texts «Rätoromanische Chrestomathie»; sia edizioni sa basa sin in manuscrut da la represchentaziun dal 1862 ch'el survegn il 1877 da Caspar Anton Collenberg, in dals mainagies da lez temp. Quest manuscrut è oz sparì. La perscrutaziun presuma ch'il text sajai vegnì scrit già avant il 19avel tschientaner, davart l'autur pon ins dentant mo specular. En dumonda vegn il plevon Balzer Alig (1625-77) da Vrin, in vitg vischin da Lumbrein. Quel scriva ina collezione da chanzuns spiritualas e translatescha en rumantsch in extract da la Passiun da Jesus or dals evangelis. Linguisticamain divergescha questa translaziun dentant fermamain dal text da la Passiun. Decurtins deducescha da las represchentaziuns documentadas dal 1862 e dal 1882 in turnus da vento onns, quinta analogamain enavos e suppona in'empriama represchentaziun per l'onn 1722. Da lezzas uras vegn fundada canonicamain a Lumbrein la Confraternita da las set dolurs da Maria; cun questa chaschun pudess la Passiun esser naschida. Sco autur vegniss alur en dumonda il plevon da Lumbrein da lez temp, Conradin Muschaun, che studegia a Dillingen al Danubi en Germania, nua ch'il emprenda d'enconuscher il teater dals gesuits.


L'emprima represchentaziun da la Passiun da Lumbrein na po betg vegnir datada. Documentadas èn las represchentaziuns dal 1862 e dal 1882 che sa basan sin differentas versiuns. La represchentaziun da Venderdi sotg, ils 4 d'avrigl 1862, è documentada traas recensiuns en la «Gasetta Romontscha» ed en il «Grischun». Ultra da quai stampa Decurtins en l'introduziun da sia edizioni il rapport dal plevon Balthasar Arpagaus, in mainagie da lezza represchentaziun.

Questi rapporti na descrivano betg mo l'andament da la Passiun ed ils lieus da las differentas scena, ma er ils vestgids e las armas dals 130-150 acturs. In dals recentents relata da 4000 fin 5000 persunas.

Il titel cumplet da la versiun dal 1862 - «Representatiun de la passiun a mort de nies spindrader Jesus Christus traig ora dilgs quatter evangelists ed ord autars cuisch spirituals tudeschis a ramonschis» - mussa ch'il gieu suonda per gronda part la tradiziun biblica e ch'il surpiglia a medem temp, probablamain per augmentar l'effect dramatic, motifs ed ulterioras figuris o da legendas. Il text è bain dividì en sis scena, ma questa structuraziun na sa lascha motivar ni cun midadas dal lieu ni cun in autre princip logic. Las instrucziuns da reschia («seramonias») detagliadas e scrittas en latin cumpigliant in quart dal text e localise-schan ils lieus da giugar en il vitg da Lumbrein: la Passiun cumenza cun la scena al Culm da las ulivas amez il vitg, nua che vegnan represchentadas era las ulterioras scena fin a la sentenzia da Cristus. Cun la represchentaziun da la via da la crucifix da metta er il public en moviment e suonda ils acturs sin in crest sur il vitg; là va la Passiun a fin la scena da la crucifixaziun.

Era las represchentaziuns dals 3, 4 e 23 d'avrigl 1882 descrivano i cronists de tagliadament: per la represchentaziun erigian ils vischins sur Lumbrein ina gronda tribuna da traiss parts, sin la quala vegnan giugadas tut las scena. Mo la via da la crucifix vegnan represchentada dals acturs en furma d'ina processiun. Suenter sa radunan els puspli sin la tribuna e la scena da la crucifixaziun cumenza. Tenor stimaziuns guardan 3000 fin 5000 aspectaturs questa Passiun.

La versiun per la represchentaziun dal 1882 deriva da Leonhard Casanova, da lez



Passiun da Lumbrein dal 1882

JEAN RENGLI

temp plevon a Lumbrein: el s'orientesch a la Passiun dad Oberammergau ch'el visita in pau avant e divida la Passiun tenor novas reglas dramaticas en diesch acts subdividids en singulas scena. El aggiunta dentant ulterioras scena a sia versiun, inclusa la resurrezioni, sco en il gieu da Pascia. Per l'onn 1902 planisescha la vischianca da Lumbrein segund il turnus da vento onns puspli ina represchentaziun a basa d'ina nova versiun sut la reschia da Casanova. Pervi da differenzas tranter Casanova e la curia renunzia la vischianca dentant a quest project.

La Passiun da Sumvitg

Igl è fit probabel che la Passiun da Sumvitg è in'imitaziun da quella da Lumbrein; en scadim cas èn tut las scena da quella cuntegnidas er en tschella. En la Passiun da Sumvitg existan en pli anc ulterioras scena novas. Aifer las Passiuns rumantschas ha quest gieu ina posiziun speziala: el è il pli vast e vala sco il pli important ed il pli original represchentant da quest gener.

Las passiuns en il 20avel e 21avel tschientaner

La tradiziun da las Passiuns cuntenuescha fin al di dad oz: il 1933 represchentan uniuns localas en ina sala a Domat per l'emprima giada la passiun «Spiel von Jesu Leid und Herrlichkeit» da Maurus Carnot (scritta en tudestg), ed ils onns 1979 e 1989 realisescha il Theaterverein Domat-Ems la passiun sco gieu sut tschiel avert en la crapa Tuma Padrusa. Il 1956 scriva Giusep Durschei la passiun moderna «Golgata» che vegn represchentada ils onns 1960 a Mustér. Il 1963 cumpara il roman «Passiun» da Gion Deplazes (translatziun tudestg: «Passion in Somvix», 1964). L'autur sa lascha inspirar d'ina istoria transmessa a bucca che colportescha in incident durante la davosa represchentaziun da la Passiun da Sumvitg, la quala ha lieu presumtivamain il 1834: ils interprets dals gidieus duain avair maltractà l'interpret da Cristus suenter disputa perva da la distribuzion da las rollas en maniera talmain maligna che lez mora curt suenter. Var tschiel onns suenter la davosa represchentaziun da la Passiun da Lumbrein scriva il teolog ed autur Ursicin Gion Geli Derungs ina versiun moderna dal gieu, per la quala Gion Antoni Derungs cumporna la musica. La represchentaziun ha lieu sut tschiel avert la stad 2003 a Vella cun var 200 acturs ed acturs da la Val Lumnezia.

La Passiun da Sumvitg

Quest gieu spiritual represchentà a Sumvitg e scrit per quest lieu tracta la passiun da Jesus.

siun da Lumbrein, damai che tut las scena da quella cumparan er en la Passiun da Sumvitg. L'autur metta dentant novs accents ed aggiunta differentas scena, surtut las scena d'interrogaziun, da consultaziun e da dretgira vegnan fermamain extendidas: elles cumpigliant set otgavels da l'entir text e cumpavan cun quai che la tradizion locala da la dretgira sut tschiel avert è vegnida integrada en il gieu (quai ch'è dal reminent er il cas tra la Dretgira nauscha). Il gieu daventa in vair process criminal, enramà d'in prolog che cuntegna ils evenimenti avant l'arrestaziun da Jesus ed in epilog, en il qual vegn executada la sentenzia. Ils gronds contrahents en la Passiun da Sumvitg èn Caifas sco accusader e Pilatus sco protectur e derschader. Jesus, la figura principala da l'istoria, di mo pauc; el na sa defende betg, el supporta ses destin. Ils pleuds da Caifas - «Meglier ei sei, cha in solet omm mieri per il Pievel, che tut il pievel momi apiarder» - van sco in fil cotschen tras il drama.

Davart la pratica da represchentaziun

La Passiun da Sumvitg è concepida per Sumvitg, la topografia dal vitg è inscritta en l'andament da l'aciu: già en l'emprima part, pia avant la processiun sco tala, la via da la crusch, mida il lieu dal gieu pliras giadas. Ils spectaturs che chantan ed uran suondan ils acturs durante questi midaments da las scena. La represchentaziun da la Passiun da Sumvitg n'è nagin teater ordinari, mabain in act religius. Las emprimas traiss scena, pia il cumià da Jesus da sia mamma Maria, l'emprima reunions da l'Aut Cussegl, durant la quale vegn pretendida la mort da Jesus, e la Sontga Tschaina, han lieu dador il vitg en ina pitschna foppa sper la via veglia en direcziun da Rabius. Sco l'iert Gethsemane per la quarta scena, Jesus al Culm da las ulivas e sia arrestaziun, serva ina plaza circumdata da plantas in pau sur questa foppa. Là vegn Cristus arrestà e manà davent, ils acturs ed ils spectaturs suondan la gruppera en il vitg. Las scena tschintg fin quindesch cun l'accusaziun e l'interrogaziun da Jesus han lieu sin la plaza cadruvi amez il vitg (tranter autre las scena: interrogaziun da Jesus tras Anas, ils plants da l'Aut Cussegl, preschentaziun da Jesus a l'Aut Cussegl, segrund tradiment da Jesus tras Petrus, preschentaziun da Jesus a Pilatus); cun travs vegn construïda ina tribuna sin la gronda funtauna dal vitg. La scena sedesch gioga en il palast da Herodes; quel beneventa la delegaziun da l'Aut Cussegl ed interrogchescha Jesus. Per questa scena suondan ils spectaturs ils acturs a la fin dal vitg en la direcziun da Mustér e turnar suenter la scena puspli enavos sin la plaza cadruvi, nua che vegnan dadas las scena 17 fin 25, pia il process da Jesus, sia sentenzia, sia flagellaziun e sia disfazaziun. La fin finala, durant la represchentaziun da la via da la crusch da Jesus, bandunan ils acturs ed ils spectaturs il vitg en in til da processiun e sa rendan si vers Tresch, nua ch'il gieu va a fin cun la scena da la crucifixaziun e nua che stat fin oz ina gronda crusch. En confront cun autres passiuns demussa quella da Sumvitg ina gronda originalitat formal e tematica. Decurtins valitescha la Passiun da Sumvitg sco il gieu «il pli important ed il pli naziunal» da quels gieus conservads, in che stettia «dal tuttafat sin il fund da l'atgna istoria ed en il mez da l'agen pievel».

La preschentaziun:

Dossier «Passiuns rumantschas».

Dapli infurmaziuns:

chatta.ch/?hiid=4052

www.chatta.ch